

洄溪醫案

徐氏八種

卷六



回
生
醫
案
一
卷
論
醫
札
附



光緒己丑年冬月
上海江左書林校
刊孫谿逸士重校



洄溪醫案序

袁簡齋太史作靈胎先生傳云欲采其奇方異術以垂
醫鑑而活蒼生因倉卒不可得僅載迨耕石汪令聞數
條而語焉未詳余甚惜之今夏呂君慎盦以洄溪醫案
鈔本一卷寄贈云得之徐氏及門金君復村者余讀之
如獲鴻寶雖秘本而方藥不甚詳然其穿穴膏肓神施
鬼設之伎足以垂醫鑑而活蒼生爰爲編次竊附管窺
用俟高明梓以傳世余殷望焉

咸豐五年歲次乙卯十月海昌後學王士雄



洞溪醫案目次

中風

惡風

周痺

痺

傷寒

剛足傷寒

外感停食

時證



遊魂

失魂

崇病

瘟疫

暑

暑邪熱呃

瘧

痢

瘧痢



南京中医药大学图书馆版权所有

畏寒

畏風

痰

痰喘

痰喘亡陰

飲癖

翻胃

呃

癰



南京中医药大学图书馆版权所有

水腫

消

蟲痛

怔忡

亢陽

吐血

瘀留經絡

腸紅

血痢



崩

瘀血衝厥

胎中毒火

子利

試胎

產後風熱

產後血瘀

產後腸癰

惡痘



南京中医药大学图书馆版权所有

流注

腸癰

腿癰

臂疽

項疽

對口

發背

對心發

肺癰



南京中医药大学图书馆版权所有

乳癰

下疳

筋瘤



南京中医药大学图书馆版权所有

泖溪醫案

吳江徐大椿著

海昌後學王士雄編

中風

葑門金姓早立門首卒遇惡風口眼喎邪噤不能言醫用人參桂附諸品此近日時醫治風證不祧之方也趣余視之其形如尸面赤氣粗目瞪脈大處以祛風消痰清火之劑其家許以重貲留數日余曰我非行道之人可貨取也固請余曰與其誤藥以死莫若服此三劑醒而能食不服藥可也後月餘至余家拜謝問之果服三



北京中醫藥大學圖書館藏

劑而起竟不敢服他藥惟腿膝未健手臂猶麻爲立膏方而全愈此正內經所謂虛邪賊風也以辛熱剛燥治之固非以補陰滋膩治之亦謬治以辛涼佐以甘溫內經有明訓也

運使王公敘揆自長蘆罷官歸里每向余言手足麻木而痰多余謂公體本豐腴又善飲啖痰流經脈宜搏節爲妙一日忽昏厥遺尿口噤手拳痰聲如鋸皆屬危證醫者進參附熟地等藥煎成未服余診其脈洪大有力面赤氣粗此乃痰火充實諸竅皆閉服參附立斃矣以



小續命湯去桂附加生軍一錢爲末假稱他藥納之恐
旁人之疑駭也戚黨莫不譁然太夫人素信余力主服
余藥三劑而有聲五劑而能言然後以消痰養血之藥
調之一月後步履如初

張由巷劉松岑素好飲後結酒友數人終年聚飲余戒
之不止時年纔四十除夕向店沽酒秤銀手振秤墜而
身亦仆地口噤不知人急扶歸歲朝遣人邀余與以至
寶丹數粒囑其勿服他藥恐醫者知其酒客又新納寵
必用溫補也初五至其家竟未服藥診其脈弦滑洪大

半身不遂口強流涎乃溼痰注經傳腑之證余用豁痰
驅溼之品調之月餘而起一手一足不能如舊言語始
終艱澁初無子病愈後連舉子女皆成立至七十三歲
而卒誰謂中風之人不能永年耶凡病在經絡筋骨此
爲形體之病能延歲月不能除根若求全愈過用重劑
必至傷生富貴之人聞此等說不但不信且觸其怒干
是諂諛之人羣進溫補無不死者終無一人悔悟也
西門外江姓新正出門遇友于途一揖而仆口噤目閉
四肢癱瘓鼻歸不省人事醫亦用人參熟地等藥其母

前年曾抱危疾余爲之治愈故信余求救余曰此所謂
虛邪賊風也以小續命湯加減醫者駭謂壯年得此必
大虛之證豈可用猛劑其母排衆議而服之隔日再往
手攬余衣兩足踏地欲作叩頭勢余曰欲謝余乎亟點
首余止之復作垂涕感恩狀余慰之且謂其母曰風毒
深入舌本堅硬病雖愈言語不能驟出毋驚恐而誤投
溫補也果月餘而後能言百日乃痊
東山席以萬年六十餘患風痺時醫總投溫補幸不至
如近日之重用參附病尙未劇余診之脈洪而氣旺此

元氣強實之體而痰火充盛耳清火消痰以治標養血
順氣以治本然經絡之痰無全愈之理于壽命無傷十
年可延也以平淡之方隨時增損調養數載年七十餘
始卒此所謂人實證實養正驅邪以調和之自可永年
重藥傷正速之死耳

叔子靜素無疾一日余集親友小酌叔亦在座喫飯至
第二碗僅半頭忽垂箸亦落同坐問曰醉耶不應又問
骨哽耶亦不應細視之目閉而口流涎羣起扶之別座
則頸已歪脈已絕痰聲起不知人矣亟取至寶丹灌之